



GUSTAVUS Adolphus the pious and Valiant
King of Sweden. He was slaine in the Battell at Lutzen,
the 16 of November 1632. Aged 38 yeares .

W. M. sculp :

PANEGYRICVS
IN LAVDEM

SERENISSIMI PRIN-
CIPIS

GVSTAVI
ADOLPHI SVE-
CORVM GOTHORVM
ET VANDALORVM
REGIS.

Authore

ELIA DENVKROIS.



Augustæ Trinobantum.

ANNO DOMINI M. DC. XXIX.



Viro Perillustri Domino

AXELIO ab OXEN-
STIERN REGNI SVECIAE
CANCELLARIO,

Author Salutem.



Anegyricus, quem in laudem Sere-
nissimi Suecorum Regis de Borus-
sia gloriosè triumphantis scripsi,
ad te properat, Vir illustris, vix me
mittente. Nimirum vt per eius hu-
manitatem accedat facilius, per cu-
ius ille prudentiam vincit feliciùs. Hunc vt admit-
tas, non vidéris mihi magnopere rogandus ipsum
panegyrici nomen, quos eloquentissimi quiq; scri-
bere consueuerunt, facile se apud eloquentiæ ora-
culum insinuabit. monendus tantùm eò vehemen-
tius es mihi ne fallaris, dum hîc simile quidpiam ex-
pectas, & vel Demosthenis, vel Plinianam, vel tuam
(maiolem cogitare nequeo) facundiam te putes vi-
surum.

surum. Congerant alii verborum cultum in illorum Principum laudes, quorum transacta per ocium & desidiam vita nequit aliter quam eloquentiae tumore velari. Satis ego esse ad laudandum Suecorum Regem existimaui, si martia illius facinora brevissimè & quasi in indice preponerem. Quod si quædam attigi, quæ fortassis alii silentio prætereunda iudicassent, malui ea sinceris indiciis quàm iniquitate famæ omnia in maius & peius attollentis vulgari. Cogitabam ut in pictura decorem luminis umbra commendat, ita non parum ad veræ laudis fidem facturum, si illa quoque non reticerem; quæ alias omitterent adulaturi. Alia minus clarè innui, non ut obscurius loquendo non intelligerer, quod assequi magis tacendo potuissem, sed ne odium accerferem meritis gratiam. Hæc mei ratio instituti. Tu vale Vir illustris, & tenue hoc meum gratulantis animi obsequium Regi offer. Londini pridie Idus Ianuarii Anno 1628.



Non debes mirari, Fortissime Regum, quod nunc primum tibi post secundam iam in Prussia exactam æstatem feliciter reduci gradulari exorsus sum, quasi aut à Megaloburgensis militis amissione, aut Pucensis Meuensiq; arcium deditione, aut ab eluso in oppugnandis hostium castris ingenti conatu tuo tua gloria cæperit! Vetuit antea cum aduentantis tuæ potentiæ inaudita celeritas, tum contra immensa Polonorum castra imperterrita perseverantia, ut te Hominem crederemus: Numina etiam, si miranda patrent, non ideo solemus gratulatione venerari. Quis enim uerò in homines cadere potuisse facile credidisset, siue tam portentosam fortitudinem, ad cuius nec dum bene ostentata arma munitissimæ ciuitates, propugnacula, arces, terræ, gentes, omnia, paterent: siue tam ignauam perfidiam, quæ ne emisso quidem in aera tormentorum officioso fumo proditionem coloraret! Inusitatarum igitur rerum aspectu percussis & tam prodigiosi certaminis expectatione suspensis vocem admiratio suppresserat. nunc postquam attonitam mentem & linguam mora restituit, & te hominem vulnera docuerunt, neque diuinis iam acquisita viribus iudicemus, quorum aliqua erepta iterum tibi humanis videmus; nescit mens amplius, diuturnum indignata silentium intra pectoris arcana exundantis lætitiæ coercere affectum, sed ad te protinus accurrit gratulabunda. Et quantumuis tenuitatis suæ conscia, superbit tamen de facundia, gnara ipsam etiam iam suam dicendi infantiam non posse non eloquentem esse in tuis, hoc est, eius principis laudibus, cuius si gesta recenseat, narrauit triumphos. Venisti enim in Prussiam tantâ celeritate, ut præter naturæ ingenium non aduentum fama, sed famam facta præueni-

rent, antequam occupasse te Prouinciam audiremus quam intrasse. Non expectasti vt aliena arma Regnum inuadentia tuum bellandi imponderent necessitatem. Detrahunt tibi virtuti virtutis necessitas. Vltro metum inferre hosti, & absteremoto periculo alium in discrimen adducere voluisti, ratus maiorem esse gloriam vim inferentis quam arcantis, multumque differre, alienos populere fines, an vastari tuos videas. Neque vbi fortitudinis edere specimen decretum tibi fuit Regulum aliquem aut Principem puerum aggressus es, quem vel imparem potentia opprimere, vel imprudentem consilio euertere non foret operosum; sed illum Regem, cuius non incapaci animo multam prudentiam vices rerum & diuturna regnandi experientia impresserat, cuius ditiones victoriarum feraces fama vt inuictas celebrarat, illum Regem, cui vel ad æternitatem nominis suffecisset tam effrenem atque turbulentam nationem XL. annis pari fortitudinis & prudentiæ temperamento rexisse. Patere Rex hostem laudare. Tua enim interest quam maximum esse quem vincis vel exæquas. Sciebas mortem à natura omnibus æqualem sola apud posteros obliuione vel gloria distingui. Gloriam ergo quæsiuisti, bellare voluisti, hostem circumspexisti, Regem elegisti (ibit fama in sæcula tantam tuam in eligendo hoste solertiam commendatura posteritati) de quo quomodocunque etiam fortuna infaniret, non posses nisi gloriosissime siue triumphare siue perire. Siue enim vinceret, famam tuam omnium Principum ac populorum admiratione consecrandam sciebas: siue caderet, non admodum indecoram fore ab eo Rege profectam mortem præuidebas, à quo vitam non pridem Turcarum monarcha in gloria pacis emendicatione redemit. Regem ergo aggressus es inquam, cui Turca supplicat, quem Tartarus timet, quem Moschus adorat, quem mundus suspicit.

In tau-

In tauros Libya ruunt leones, non sunt papilionibus molesti.

Mirabatur orbis cum ante aliquot annos relatum esset, te florentissimam Polonicarum Prouinciarum Liunioniam armis infestauisse, audebatque id adscribere temeritati; sed quod in aliis temeritas, in te prudentiæ esse successus felicitate docuisti. Videbas quidem te potentissimo Regi & bellicosissimæ nationi bellum inferre, sed ab illius celsitudine tuam quoque pensandam gloriam cogitabas, & virtutem inter ancipitia clarescere. Cognoscendos itaque primum putasti mores & genium gentis, regionum situs, opportunitates locorum. Deprehendisti gentem campis, hastis, equis, corpore validam, sed & arrogantia insignem, seditionibus facilem, rebellione famosam, nesciam quietis, ipsaque sua potentia grauem, gentem contemnendis quam cauendis hostibus meliorem & quæ imperata Regum interpretationibus vexare mallet quam dare executioni. Aduertisti nihil tuæ Sueciæ à tali populo quantumcunque lassito timendum fore, qui statutis cauisset, ne aliorum exemplo inopinatis armis ullam ditionem aut Principem inuadere possit, sed ambitioso prius congregantis se se Nobilitatis tumultu vicinis, remotioribus typis etiam quid facere velit denunciaret. Didiceras à Gallo illo Polonos fraudibus magis quam vi patere. Igitur occasione temporis usus, cum Turcarum Imperator suam in illos potentiam effunderet, tu ex alia parte Liunioniam aggressus es, & ne occupatos tantum Othomanicis signis, sed & securos circumuenires, ipse nouas inducias poscebas, per Iacobum Angliæ Regem quietem promittebas, submissa ab eodem auxilia in Dania impediabas. Ita hostilem ingressus Prouinciam & nihil minus quam te timentem Rigam imprimis munitissimam ciuitatem eamque principem non proditione ciuium, sed vi armorum in tuam potestatem redegisti; cumq; lenta aduer-

aduertes vicinorum auxilia, auolasse Lithuaniae gryphes, primo de Duce contendere, militem virum ob natam heri familiam reici, fulcibundum senem in Imperatorem eligi, Comitibus prius indici, agendique tempora consultando consumi, tu totam Prouinciam subegisti. Clament sanè te fraudibus egisse. Non ideo aquam bibunt Hispani, quia vinum diluunt, neque tu sanctitatem fortitudinis utilissima doli mixtura polluisti sed temperasti. Et vero non fuit satis animo tuo claram tot arcibus Prouinciam secure possedisse. quærendi insuper hostes erant ut vincerentur. Ergo ingrata tibi omnis quies fuit, donec in Magnum Lithuaniae Marefscalcum incidisti, pugnasti, vicisti. Conabatur quidem Polonorum inuidia, tantæ victoriæ gloriam minuere, & nunc primo gentem suam distinguere, nunc culpam in imperitiam Ducis aciem arctantis referre, quasi aut Lithuanis ductoribus non paulo ante orientalium lunarum incendia extinxissent, aut nullus vnquam Curius ob angustum pugnae locum à Romanis laudem retulisset! Sed neque hic tua se virtus continuit, nempe vnius regionis angustia Gustauianæ gloriæ non sufficit, faciendaque longior fuit bellandi meta, ut fieret clarior vincentis gloria. Aperueras iam bello Lithuaniam, illaque tantum ingrediunda fuerat, nisi Prussiae congestam tot ætatum pace opulentiam infecundiori solo prætulisses, ubi ex alienis diuitiis stipendia militi numerares, & post fugatos Lithuanos etiam illos, qui se ipsos adeo mirantur, Polonos eorumque decantatum robur experireris. Ardua res magnum consilium, ingentes apparatus, singularem dexteritatem, Martemque non inertem flagitabat. Ergo nihil propere nihil in consulto agere decreuisti. præmittebas longe ante idoneos viros, quorum alii locorum commoditatem curiose obseruarent, alii nonnullorum animos ingeniose aptarent. Nihil erat consiliis
tuis

tuis prospectius nihil auxiliis tectius nihil armis paratius. Non latebat te quidem Prouinciam natura, opere, & arte egregie munitam, sed neque ignorabas Borussia Ducalis incolas longa pace desides, obliam bellorum nobilitatem, ignaros militiae Boiaros, nutantem iam pridem procerum fidem, & inspectricis Poloniae molestam potestatem. Sciebas ut omnium rerum, ita nimiae etiam pacis ac tranquillitatis quoddam fastidium esse, facilius quatuor viros quam totidem vrbes expugnari, vnum cognomine corrumpi posse, alterum subdiuisis cum filio obsequiis tutius peccaturum, coralliorum quoque verecundiam saltem ex parte ad tui metalli fulgorem pallefcere posse sperabas, in trunco demum verre debile noueras construi fulcimentum, nec dubitabas tardos ex immani fiducia sui Polonos celeritate interim etiam posse circumueniri. Notaueras praeterea non obscura vocantis te eiusdem Prussiae atque inuitantis indicia, dum quae loqui non poterat, in aere exprimebat, moraeque impatiens iam nomen duntaxat sui Principis, tuam vero effigiem in moneta signabat. Ergo ne vel tua vel ipsorum desideria diutius cruciarentur, praemeditatum diu iter tandem maturare iussisti, & secundissimo vento (ipsa videlicet tibi ad famulatum subeunte natura) in Pilauiensis freti angustias apulisti, Prouinciaque vtilissimam clauem, non tantum absque sanguine sed etiam absque sudore occupasti: siue nauium militumque in praesidio locatorum manus & animos solus conspectus tuus exarmarat, siue ipsa etiam negantia ignem belli instrumenta affines naues venerarentur. Quod si ex oriente aurora recte de futuro die ominamur, quid iam de tua virtute sperandum non fuit in progressu quae tam admirabilis extitit in exortu? Non intempestiuis deliberationibus conatibus tuis moras iniecit Prussiae Ducalis singularis sapientia; neque tu incitabas qui sponte currebant, sed ruentes pro-

b uida

uida neutralitate coercebas, memor te non ad eripiendum
consanguineo Principi Ducatum, sed eundem, si res patere-
tur, è seruitute potius eximendū venisse. Ad Regalem itaq;
Prussiam quantocyus perrexisti, & vno fere eodemque tem-
pore ornatissimas vrbes Brunsbergam, Elbingam, Mariebur-
gum hosti eripuisti. Primæ quidem resistere conantis teme-
ritas risu tantum te nō armis fatigauit. Patentes alterius por-
tas indignabundus intraisti; indoluisti nimirū quod ad mira-
culum munita ciuitas, laudis tuæ suffurata materiē tibi forti-
tudinis experimentum non reliquisset: & ni vnicum adhuc
Marieburgum menti occurrisset, in quo militaris tua po-
tentia enitesceret, credo aliam nouamq; armis viam per al-
tissimos ipforum muros & valla fecisses, vt honorificen-
tius intrares. Quanquā cōpensauerunt abunde Mariebur-
gensium mœnia, quicquid gloriæ subtraxerant Elbingensium
valla. ibi enim plane ostendisti nihil esse in orbe adeo inac-
cessum, quod fortibus viris natura non aperuisset. Et sane
non vsquam antea liberalius tecum fortuna egerat, quæ ad-
eo copiosa laude Martium laborem tuum remunerata est, vt
omnem etiam prætensionem vel hosti præciderit. Nam El-
bingam ab incolis & nationis similitudine & puritate reli-
gionis tibi coniunctis emptam fuisse, saltem suspicari male-
uolus quispiam tuæ virtutis ignarus potuisset. Mariebur-
gum vero, quod etsi omni viuentē destitutum ipsa tamen
mœnium celsitudine & fossarum profunditate tutum vide-
batur, non Germanorum suspicionis capacium, sed Polono-
rum fidelissimo præsidio munitum, cum immortalī tua fa-
ma, suspicientibus cunctis, nescio citius an facilius expugna-
sti. Iam admirandæ potentiæ tuæ terror terram impleuerat,
neq; claudere iam portas oppida laborabant, stultumq; me-
rito habebatur post Marieburgensem arcem vi adeptam de
defendendo aliis cogitare, non arietare muros sed adire opus
erat

erat tibi, iuisse vicisse fuit. Quicquid ergo progrediendo attingere potuisti tibi cessit. Putzkum, Derichauia, Gudstadium, Varmia, Vormditum, Hela, Schoneckium, Meua, Starogardum & nisi hostilem Neoburgi exercitum inuenisses, quā propense à splendidissima Curia exceptus fuisses nihil magis quam distantiam suam dolente. Solos Gedanenses immanis superbia continuit, & recuperandæ aliquando Proinciæ adhuc paululum spe Polonos sustentat. Sed & hos inopinata potentia tuę miracula adeo terruerant, vt qui iam ante quinquennium in Tractatibus trepidabant, nunc nondum te viso an fideles esse deberent prius in Senatu consultarent, inopesque plane consilii ac mentibus confusi, milites suos quorum inopia in ciuitate laborabant, ad pagos missitarent, credo vt Grebinenses anseres defenderent, inuestesque tuos pedites suo luxu & equis ornarent. alii quos singulari beneficio ita obstrinxeras vt & nunc soli cunctarū rerum opulentia affluerent, & mitiore vocabulo ab omni periculo in futurum amoti censerentur, putabant ad neutralitatem quoq; pertinere insaniam, nimiaque pace & abundantia fessi sua iuuetute suis ciuib. tuas acies non rogati augebant, & nō satis cito spaciosissima valla per longas ambages nescio cui commodo delineabant. Non auderem ego coram te de amica ciuitate hæc recensere, nisi ad Tuam gloriam pertineret, tantum fuisse virtutis splendorem tuæ, vt quemadmodum clariore solis radio nonnulliquandoque visu orbantur, ita immensus tuæ virtutis fulgor aliis consilium, aliis etiam cerebrum eripuerit.

Appropinquabant tandem Polonorum copiarū conspicua arma, insignes equos, luxuriosos apparatus ostentantes, illaque ingentia castra, orbem dices debellatura si tu ex illo abesses, signis quaquauersum fulgentibus ambitiose promouebant. putabāt ventosa natio se rotas Suecorum acies vno arrogantia suæ flatu ultra Lappo-

nes & Pyreneum amoturam. Non contemnebas exercitum
victoriis inclytum, sed neque ipsorum multitudine terreba-
ris. considerabas fortissimos in castris illorum viros, verum
& lixarum calonumque, indigestam multitudinem numera-
bas hospitibus non hostibus metuendam & sibi metipsis one-
rosam. Ergo laboranti Meuæ, inimica spectante legione &
frustra prohibere conante in subsidium venire exiguo mili-
te non timuisti. Credo ad rumorem nominis tui personæque
conspectum exercitatisimum illum exercitū stupor obruit,
ut præ admiratione non aduerteret quam te pauci, quam se
multi comitarentur. Procedebant iam re infecta hostium
agmina, quos obsidionem Meuentem soluere ferrea grandi-
natione compuleras, ipse dum velitarentur, nullum præ-
stantis Ducis & fortissimi militis officio prætermisso, occur-
sas paudentibus, cedentes retinebas, ubi plurimus labor,
unde aliqua spes, consilio, manu, voce aderas, miraculum ho-
sti, exemplum tuis. Quam animosum tunc militem tuum
cernere erat cum tantæ multitudinis robur incolumis eua-
fisset. neque tu tamen ideo remissius agere, verum diligen-
ter cauere, nec ubi hosti opportunus fieres, nunc vrbes agros-
que vastare, prædas agere pergebas, tuis animum, hostibus
terrorem augere, nunc eosdem infestare, rursus in castra re-
gredi, nunc metum simulare, instanti cedere, nunc ipse in-
stare, mox te occisum spargere ut socordius agentem in in-
cepto detineres, mox pacis mentionē facere, ut prouisis quæ
tempus monebat paratior esses, non pugnandi copiam non
quiescendi facere, ita belli modo, modo pacis mora Polonos
ludebas. Insidebat apprime menti grauior illa tui parentis
olim in Liuonia clades Mauritanique præcepti memineras,
per raro cum hoc hoste collatis signis dimicandum esse, nisi
cum vel necessitas cogeret vel vocaret occasio. Aduerteras
ipsorum potentiam tantum primo impetu formidandam es-
se, ubi

se, vbi moram pati didicissent, velut animalia quædam amisso aculeo torpentia facile tuis artibus suis vitiis casuram.

Nempe dum denegato campo colligendum primo perditatum ociosi ipsorum equites necessario expectant, ac inutili contatione ærarium exhauriunt, adueniente tandem perditatu bene præuidisti stipendia equites non prælia petituros. antequam deinde ad tributum inuitentur, vt per homines à se legatos consentiant, ipsaque conuentus celebritate tantundem fere consumant quantum contribuant, & noua Comitiorum mora sibi tributa, militi stipendia augeant, sciebas aliquot mensium laborem futurum. Ita videlicet non vanus aruspex augurabaris fore, vt populus ille liber, & præ cæteris (si diis placet) gentibus in libertate ad libertatem natus, sua etiam libertate labasceret. Pridem nimirum Poloni (liceat illos paulisper alloqui) vera rerum vocabula amisistis, & nouo Calepino quod alii stultitiam, vos libertatem dicitis, iniuriamque fortitudinem appellatis. O inanem virtutis umbram. O liberam captiuitatem, libertatem miserrimam! eo enim iam vestram nationem deduxistis, vt cui prius, etiam qui non oderant, inuidebant; nunc æque inuidis hostibusque reddideritis miserandam. Crediderim ego Serenissime Rex immisisse illum, qui nihil voluit in terris sempiternum esse, hanc tristissimæ libertatis labem inuictæ genti, quæ faceret, vt æterna alias Polonorum arma mortalia essent. Sed vt à re, id est, à te non abeam. Gloriose sane triumphasti Magne Princeps, dum tantum hostem nouarum meliorumque artium rudem & vno robore corporis ferocem non tam per arma quam per ocium & artem vicisti, totumque illud potentissimi regni robur medullitus eneruasti, dum numerosas illas ex vniuersa nobilitate viritim centuriatas copias, ex præcoci victoriæ spe superbe concepta deiectas, redire in Patriam adulto iam autumno absque prælio victoria, præda

b 3 vidisti

vidisti, cum e contrario opimis ditissimæ illius regionis spoliis onustæ naues, & sub pondere prædæ gementes tuum ingressum ouantes operirentur. Non poterit non æternum Suecia meminisse fortunatissimi illius diei, quo post primam in Prussia exactam estatem feliciter redux tot illustribus trophæis hosti ereptis Suecorum animos & oculos exhilarasti. nimirum cum illæ pretiosæ ex nauibus merces, ex præsidiis naues, supellex ex domibus, munitio ex arcibus, tormenta ex vallis, aurea ex altaribus vasa, è templis altaria, è turribus horologia, ex monasteriis tecta, campanæ è cæmeteriis, & quidquid denique preciosioris metalli pertinax incolarum auaritia templorum etiam puluerib. insepeliuerat, ingenioso tuo erutum gladio, iucundissimo spectaculo explicabatur. Quæ ego cum confidero, & Auum tuum æternæ recordationis Gustauum in memoriam reuoco, aduerto sane quam in te plane illius se decora iuuenta transfuderit, quam non nomine tantum sed præclara etiam indole ipsius te natura signarit. Suediæ ille regno carebat & armis adeptus est; tu habes, & armis defendis. ille cum nouus Rex difficultatibus vndique cingeretur, vt regnum retineret, contracta cum Saxonica Domo affinitate, Germanorum se armis & opibus muniuit tu cum regnum armis afferere, & si adhuc quæstio de nomine & de titulo lis foret, sanguinis pretio regium nomen emere decreuisses, inita cum illustri Brandenburgica Domo opportunissima affinitate, vno matrimonio duos Principes tibi deuinxisti, quorū alter pugnandi viam aperiret, alter vincendi artem terrore iuaret.

Auus tuus clarissimam illam Lutheranæ veritatis lucem primus suę genti accendit, tu etiam alienis eam gratiam præstitisti, ille dirutis in sua ditione monasteriis, flagrantissimo scilicet euangelicæ religionis studio eadem vel carceres esse maluit Filiorum quam receptacula ociosorum; tu quod longe præ-

ge præclarius, non iam in tua sed hostili terra haud vno ex loco inutili hoc genere hominum expulso, ipsorum thesauris tuas facultates locupletasti. Sed quid ego comparationibus diutius immoror qui maiora strictim percurro? Reuocarant iam paulisper animos ob absentiam tuam Poloni, & Pucensem arcem deditione, illaque tria millia Megapolensis auxilii celeritate (à te enim edocti iam aliquid profecerant) subiugarant. iam titubare non nihil tui cæperant, & pavidus affinis in metropoli sua longissimis comitiis anxia decreta suspendebat, cum tu nutantes animos iterato in Prussiã reditu confirmasti, & iam pæne recedentem fortunam tua præsentia retinuisti, persuadens Soderano, non illi ob Taurominitanam timenda esse Minutii fata, vt qui Poloniæ Senatores quantumcunque superbos, venales tamen superioribus iam annis cognouisset, & etiamnum, si quæ necessitas postularet, se adhuc soluendo esse aduerteret, chartam hosti & epistolas, arma & commeatum tibi submittenda. Cesserat quidem minus feliciter ad vistulæ diuortium prima oppugnatio munitionum. sed eo clarior altera fuit, quod & quadringentos deditione acceperis, & galeatum Dantiscanorum leporem solo aspectu tuo perterritum, cum numerofo milite fugientem ante prælium spectaris. Non opus fortasse vobis fuisset, Illustrissimi Fæderato Belgico-Germaniæ ordines magnifica & sumptuosa legatione à Polonis tantopere pacem sollicitare, si plures, aut hunc saltem maturius è disciplina vestra Ducem Gedanensibus transmisissetis.

Iam secundo Polonorum Regem de sede sua in Prusiam exciuerat iterati aduentus tui fama, cum perquam opportune illustris Hollandorum Legatio, si plus tibi non profuit, saltem hosti pugnandi opportunitatem subduxit, dum æstatem Tractatibus exhaustit, atq; plane effecit vt submissum inimicis à Cæsare auxilium ad nihil amplius quam
adi

ad magnos sumptus frustra illis fundendos aduocatum videretur. Neque ego hæc ita accipi velim quasi existimem ideo amplissimos ordines suos eo Legatos destinasse. Sincere quidem illi pacem esuriebant, sed maior tuæ gloriæ sitis fuit, quã vt te tam facile ad pacem flecterent, quam facile suis opibus, armis, milite, animis suffultum ad bellum animarant. Placnum id fecisti vel eo ipso tempore quo de conficienda pace & instituendis tractatibus ageretur. nempe sagum magis tibi quam togam placere. Nam cum pacificationum præludia traherentur, & de loco, tempore, modo consultaretur, omnemque suam cogitationem vnico Tractationum apparatui hostes donasse collegisses, tu ad omnem rei gerendæ occasionem intendebas. Hinc cum illi hospites Legatos conuiuio exciperent, omniaq; tunc more ipsorum indisposita, temulenta, bacchanaliis quam castris similia essent; tu tympana pulsare, arma canere, aperiri campum, pandi aciem iussisti. Affluebant relictis scyphis turmatim Poloni, & trina ordinata acie se inuicem aspicientes, perplexas tuorum cohortes accedere propius formidabant; donec tu tandem reuersas binas esse in castra acies contemplatus, neque facile ob transitus difficultatem reuocandas, vltimam solam aggredi magno conatu, inumbrante iam vespera imperasti: satis cito ratus incipi victoriam, vbi prouisum foret ne vinceris. Acre sane & cruentum certamen erat hostiles animos aciente necessitate; atque dum diu inter vtrinque pariter cædentium impetum, cadentium gemitum, occurfantium fremitum, armorum tinnitum, hinnitum equorũ, gladiatorum ictum, fragoremq; hastarum ancipiti Marte præliatur, dubitari de victoria potuisset, nisi hostes labentem sub Duce suo equum intuiti obscuram victoriam fuga declarassent. Ite nunc Poloni & Gustauum vobis nolle campũ dare libere iam asserite. Campum vobis fateor non dedit, qui vos
campis

campis expulit. Itenunc, & Lithuanos olim à Gustauo fugatos ridete. Sueci (si robur spectetur) utroque Duce ex equis deiecto aliud inter vos discrimen non agnouerunt, nisi quod ille fidelioris usus milite expugna eques recesserit, vester pedes ad castra tetenderit. Si tamen de integro iudicium requiritis, Lithuanos longe vobis stultiores esse eo clarius Sueciprehenderunt, quo diutius cum illis quam vobiscum pugnauerunt. nihilominus multum se illis debere vel eo nomine libenter simul fatentur, quod longioribus in Lithuania induciis plurimum Prutenicis armis commodarint, quod Regiomontanum portum occludere satis diu prohibuerint, quod Birzam aliasque nonnullas arces Duci de la Gardia ob interlabentem aquam incommodas & ultro deferendas honestissimo cambio alternarint. Verum omitto aliena stultitia tuas laudes onerare & cæptæ narrationis cursum proseguere pergo.

Putabant Poloni te iam gloria ebrium tantæ victoriæ crapulam non nisi longiore somno posse exhalare atque sua pigritia tuam virtutem mentientes secure quiescebant; cum tu intempesta nocte ad motis propius tormentis insperate ipsa castra illorum mane pulsare, aggeres ducere, terram subfodere cæpisti. Tantos videlicet spiritus hesterni iusserat gerere victoria, ut facile videretur hodie exuere castris quos heri expuleras campis. & procul dubio id effecisses, nisi ab externo milite hostium tuis artibus tentatus globum in petus recepisses, cum ipse nimirum militibus turmis Regium puluerem sudoremque misceres, cum gregariis laborem æquares, nihilque à cæteris nisi robore & præstantia differres.

Hi sunt tui de potentissimo hoste post homines natos felicissimi triumphus, hæ illæ victoriæ æterno gloriæ classico prædicandæ & ad omnem retro mittendæ posteritatem. Cuius ego inuicti laboris tui initiumne mirer magis an finem

nescio ! multum est, quod perseverasti : magnum est. quod quem initio chalcidem vocitauerant nunc militem fateantur ipsi hostes, neque iam nisi de magnitudine tua conquerantur. Et reuera non immerito. Nam non pygmæos aliquos & gruum triumphatores, sed Polonos, hoc est Turcarum victores, Moscorum debellatores, Tartarorum domitores, dicam amplius : cœli Defensores vicisti : ita etenim appellari à maximis Principibus meruerunt, qui Othomanicum iugum arcuerunt à ceruice Christianitatis. Non grauate feres scio, me hostibus tuis veras laudes non detractere. Parum enim te laudarem Magne Princeps, nisi te præterrem illi genti, quam præter te vincere nemo vnquam potuit, quam impunè hætenus nemo laceßiuit, & quam contemni posse, solum tu mortalium omnium primus ostendisti. Ibis ergo per omnium annales eruditorum vberima gloriæ materies & militiæ portentum. Decantabit æternum laudes tuas beata suo Principe Suecia, tam effusis gaudentium & gratulantium studiis victorias tuas prosecutura, quantis vlla vnquam res plenissima lætitiæ potest concelebrari. Decantabit & æternum miseras suas hostilis Prussia, & tot hominum sanguine cruentata, tot domorum incendiis deformata, tot fortunarum expilatione vexata tam diuturnam admirandæ potentiæ tuæ geret memoriam, quam atrox in omnes post annos sui spectaculum exhibebit.

F I N I S.

